

鄱縣志卷

事紀

兵燹祥異 殉難義勇 團練附

志乘為誌事之書所誌無非事者若易稱龍戰史載鷓飛
蹟有明徵說非杜撰災祥不免互見紀述尤難闕如爰別
為事紀一卷非徒綜核遺聞蓋謂往事可鑒末事須防後
之人耳目所經知感召之有由其轉移之有道乎

宋

嘉定中郴州黑風洞寇羅世傳及其黨李元礪作亂率眾
數萬連破諸縣衡郡郴桂一帶多盜藪李新復起為亂荆

鄱縣志

卷之十一

事紀 兵燹祥異 一

湖安撫使曹彥約督諸軍討平之四年以諸洞遼遠難於
控制請析茶陵之康樂霞陽常平三鄉為鄱隸於衡
紹定中郴寇復入鄱謀分道犯茶湖南安撫使余嶸命幕
屬督兵堵禦卒不能犯

元

大德元年秋七月邑大水溺死三百餘人

至正間偽漢遊兵陷鄱肆行剽掠邑人段清遠結天星寨
為保障計遊兵出沒鄉村不能平清遠沒於陣其弟新遠
偕其子世傑譚德昌等抵長沙籲請明師進討之

至正丙午冬十一月土寇饒一作亂明指揮使畢榮討平

之時太祖已卽吳王位見郡志

明

永樂七年起民夫伐木萬陽山戶之死而逃者殆半

十五年邑山崩蛟出冬大疫

成化二十年夏大水秋大疫

二十二年大饑

宏治九年秋九月天雨物如麥

正德六年春二月一日夜忽大風雨走石揚沙樹多拔屋

瓦皆裂夏五月大雨震電蛟出山崩後數月遂有廣福流

賊攻邑火民所居三日始息邑人羅宓明立寨月嶺寇至

鄱縣志

卷之十一

事紀

兵燹祥異

二

斃渠魁三人賊大懼遁去

萬曆二十四年春二月大雨雹雷電過十里

崇禎十六年秋八月流賊張獻忠陷長沙分兵陷衡州衡

藩桂王登舟避亂九月獻忠入衡遊擊尹先民迎附之歸

桂王宮旦夕酣宴其中開科殿試考授偽員郡之劣衿成

羶逐之十月獻忠去之常德過荊州入蜀留偽巡撫譚嘉

瑞偽知府吳之才偽推官陶煥守衡十二月督師兵部侍

郎呂大器自贛州遣兵擒嘉瑞等以去

十七年鄒承芬密趣其子統魯赴廣東乞總督沈猶龍遣

兵為外援州縣各起義兵為克復計猶龍遣韶州總兵

紀將銳卒三千踰嶺協同各路軍勇圍攻遂定衡州猶龍
上功於朝未報而明亡猶龍以憂歸其時督部何騰蛟駐
兵長沙郝永忠盧鼎分鎮衡州悍不用命游騎紛錯備極
蹂躪鄉民或棄業從戎或結砦自保傾擾殆一紀焉

國朝

順治三年春三月大風拔木學宮櫺星門圯居民房屋傾
倒不可計

四年丁亥夏定南王取衡州鄴始入版圖遣官安撫各縣
諸官皆如明制凡田地荒蕪未經耕種者許有司官冊報
准予豁免

鄴縣志

卷之十一

事紀

兵變祥異 三

五年戊子春有鳥自縣過聲若笙簧嘗有識之者曰九頭
鳥也過此必爲不祥大難作矣是時江西南昌賊金聲桓
王德仁爲亂夏四月眾賊彭嵩年向文明陸士毅龔龍程
文遇入邑據之已而張士舉蓋遇時等賊分營屯城鄉秋
九月長沙鎮徐勇率兵擊之至興甯桂東降比年流寇愈熾旋遭賊踞
五鎮潰卒十數萬蟻屯鄉聚夾擄屠戮每夜半鬼哭如萬
口嘈雜皆作洶涌奔騰狀陰風慘慄至十一年後其聲始
息六載之間青燐遍塗白骨成邱而人民十七其八九矣

八年辛卯夏五月大水田畝砂壅人民溺死甚眾六月粵

寇萬餘號紅巾賊陷城知縣徐鼐臣于琨先後死之是歲殺人

之餘較前彭曹諸寇尤酷每掠人削竹數尺直貫胸貫坑
之士而露其半取利必燒紅刺其腦見血上噴則鼓掌大

吳或東人炙烈焰中用竹板徧勸俟肉墳起勸
取以烹又取人曠置之火盛開取其髓咬之

十一年經畧總督洪承疇率兵恢剿餘黨遁萬陽山 題

請設立桂陽營管轄毗界之桂陽桂東興甯三縣舊制關

隘皆設塘汛守禦

知縣傅繼說招集流亡
僅得老幼一千二百人

十四年丁酉秋大疫民丁病死者三百八十四人

康熙七年戊申虎噬人至己酉庚戌愈甚樵牧徑寂

十二年冬十一月藩臣吳三桂由雲南叛兵出沅州

十三年甲寅春正月傳檄至衡時守禦單弱遠近聞風震

懾湖以南遂無堅城鎮撫司道府縣等官或棄城不守或

納印款附三桂唾手賜茶上游僭稱周元年

鄱縣志

卷之十五

事紀

兵燹祥異四

十五年丙辰二月十六日三桂兵喪於萍鄉後馭於松滋

乃疾趨湘潭十一月初五日三桂由湘潭入衡踞府治為

行殿其壻偽將軍胡國柱夏國相居戎糧兩廳偽帥馬寶

王會吳國貴等分壘於江東沿河上下掘壕塹為自固計

十六年夏六月三桂遣偽將軍胡國柱王會馬寶李徐攻

韶州派索軍餉兵賦絡繹民不聊生

十七年閏三月三桂據衡州僭尊號改桂陽州為南平州

桂陽縣為義昌縣桂東縣為平陽縣四月征南將軍穆塔

統大軍討之由安仁間道至郴戰於鹽沙嶺大捷州縣俱

復是年秋八月三桂死

按穆塔軍帥滿洲人軍政嚴肅所
至秋毫無犯時有叅將鄭某請

下詹曰善將兵者多不恤民吾未嘗蹈此弊邨之人立廟祀之按三桂變後軍需百出民有棄業逃賦他鄉者至四十二年癸未趙申喬巡撫湖南其弊方汰以上摘錄舊志五十二年夏大水平地深數尺

雍正四年丙午夏虎入城

乾隆七年夏大水西城安濟橋圯是年秋一虎傷百人明年駐防文元具報衡協遣龍把總率獵戶殪之

十六年秋七月大水民居漂沒衝決田共一頃四十九畝知縣舒甯具報失額免徵

五十一年丙午大旱

五十二年丁未邑大饑民掘白石泥充食

鄱縣志

卷之十一

事紀 兵燹祥異 五

嘉慶十四年夏六月大水平地出泉高山崩裂田畝半為砂石壅碾民屋漂沒不計數康一都罹患尤酷是月饑知縣陳光詔馳報大府照例撫恤

十八年春正月大雪平地深數尺秋大有年

二十三年春三月大風拔木雹如卵屋瓦亦裂

二十五年庚辰秋大疫

道光十三年夏四月大水中村受害尤深有何姓闔門四十餘口一時淹斃

十四年甲午夏五月大饑斗米市價銅錢六百文民採竹實劬蕨根充饑流亡者眾各都殷實就里賑粥減糶終難

爲繼

十七年春二月暴風拔木是年大有

咸豐二年秋九月土匪劉祖高黃萬清李大奎等滋事聚眾數百人謀攻城時東鄉團紳偵探密報城鄉戒嚴知縣邱華東招集鄉勇守城九月二十日三更匪屯三里亭進望城上火光燭天匪不敢近潛遁次日差勇探聽沿途棄散器械甚多連日差勇嚴捕未幾匪復掠劉氏庄及龍姓村城鄉各團生擒渠匪劉祖高黃萬清訊知匪黨踞小江口次第拿獲同謀黃三錦黃龍達王土狗等十餘名就地正法餘黨悉遁木村率勇直追永甯界內亂始靖

鄱縣志

卷之十一

事紀

兵燹祥異

六

三年夏六月十九日晡至漏下四鼓霪雨如注平地水深數丈衝塌民廬石橋男婦大小淹斃無數沿溪糧田蕩洗填沒不能開復縣令疊次勘明詳報 奏請失額免徵有

十都蕉石湖兩山對峙是夜陡崩二里許山下房屋居民盡淹今山溜深處中成堰塘是歲饑

四年秋九月十日疾風暴雨六都鍾姓屋後有石高丈餘大數畝中平如砥是夜忽聞鏗然有聲詰旦視之石已分爲二色潔白亦不傾羣以石裂爲不祥

五年秋九月粵賊自郴州永興一帶竄擾安仁茶陵僞號劉丞相連營屯毗界之豪山甫陽窰腦盪墟知縣梁作

城守金超羣會西鄉團紳募勇堵禦大江邊以是

毀實清李隆發羅星照等募勇屯嶠頭嶺時衡郡上游遍

地皆賊大軍堵安仁龍鄱請兵無由鄉愚蠢動奸民自此

輕法矣是月十一日賊由嶠頭嶺進旋經鎗砲轟擊至午

刻賊稍退擇勇悍敢戰者衝入賊隊斬酋十餘賊四處潛

遁截歸路二都團勇唐玉賓張萬武是夜土匪勾引賊營

由嶠頭嶺背之磯港南坑倒背陰三處緣磴暗伏等林中

十二日晨刻縱火為號大股由嶠頭嶺大路直進眾以萬

計各團丁迎戰敗績同時殉難者李湘賢兄弟羅賊遂奪

隘連屯潘家村殺戮甚慘十三日分紮二都盤踞民房一

鄱縣志

卷之十一

事紀 兵燹祥異 七

洗殆盡其黨有新碼子老碼子廣府碼子等稱十四日闌

入縣城燒毀祠廟民房擄搶罄盡知縣梁作霖退據南鄉

龍楂城守金超羣招集潰散分紮水口墟十六日賊盤踞

南鄉頭巾石高里灣西坑等處焚擄殺掠傷斃男婦不可

勝計二十七日賊至東鄉九十都界遣匪聲言索貢保合

團督勇斬七人於市團勇尹經才朱賊知有備沿途劫戮

仍屯縣城

冬十月初五日賊夥眾二千餘屯三口壘城守金超羣率

泰安團勇禦營盤灣鎗砲轟擊賊十餘人賊蜂擁四出我

兵大潰遂破水口時鄉勇印門養劉元光沈輝崧曹賊縱

宗亮印雲標印文林等皆戰死

火焚燒二日始息遠近無敢應者先是知縣梁作霖遣局紳陳章魁譚振源段寅清等赴桂東借援添募壯勇千餘正議克復賊以我兵單薄謀間道犯中村十九日賊分股屯西鄉桐睦墟適四鄰團黃道星雷聲揚楊昌富楊昌貴等屯勇堵黃家壠崩江山黃士賓楊昌發葉宗瑾鍾謨烈黃在中等僉議掩其不備約會與甯守隘之廩生楊運梨帶勇助剿二十日四更分途併進以稻草結繩纏腰爲號派先鋒黃必揚殺其更夫鎗砲環圍天甫明四鄰勇烏鎗數百桿連環齊發斃賊無數賊奪路回竄王氏庄復縱火焚之生擒百餘人奪獲鎗炮器械無數賊潰奔

義勇陣亡者葉正太

鄱縣志

卷之十一

事紀

兵燹詳異

八

廖宗開鍾奇烈陳品照郭孟雲五人

知縣梁作霖由南路進泰安圍爭起迎

應沿途截殺甚眾遂復縣城賊仍遁茶安地二十一日大

兵由茶安二路堵剿時賊已計窮城守金超羣防其復竄率西鄉各都丁壯自斜瀨渡沿岸住紮五里連夜火光燭天賊遂由茶遁江西吉安

六年丙辰春洪秀全賊帥石達開陷江西遂襲吉州諸屬城中戒嚴知縣章保順以二月抵任竊慮城卑賊眾力恐莫支飛請衡勇二百名防剿一面傳諭各團及下四都勇守城一面諭東鄉上館下館沔渡墟各鄉紳士齊團屯勇防隘備邊

三月偽監軍李粵匪何二土匪古典章聚眾數千踞永甯
礮市甯民震駭無主土寇盡隸之強倍於賊十八日長驅
大至直抵城下保順率官紳登陴督戰經我軍用砲轟斃
頭目數人木石雨發童叟皆呼譟助殺賊稍怯衡營千總
喻元發劉平壽督先鋒王光耀等縋城出隊西鄉炳蔚團
由西路突至自朝及晡斃賊數百人生擒數十名奪獲器
械無算各團沿途截殺復殲百餘賊知有備轉遁礮市
夏四月二十日偽指揮率渠匪古典章踞沔市復謀攻城
我兵屯紮長江偵知直搗其巢上館効忠團下館合心團
前後圍殺賊大敗仍屯睦村勾引奸民鄉愚不時劫掠責

鄱縣志

卷之十一

事紀

兵燹祥異

九

民獻財物尹氏村獨固守拒賊賊益恚憤

秋八月十二日賊分黨突至尹氏村燒燬祠宇民房殆盡
連下館龍李各姓住屋均遭焚掠團勇俱敢戰拒賊

龍富宗尹

春華劉濟羣
鍾含章死之

冬十月二十日偽指揮駁粵匪萬餘屯鄱界黃煙堡時千
總喻元發劉平壽帶領衡勇金超羣帶領團勇由長江連
營沔市分三路堵禦別伏兵鎮背橋蹙賊由歧路四面夾
攻賊路迷途窮比斃賊二百餘名生擒數十人賊被踐踏
蹂躪者尸填溝壑戰功推此爲首自此甯匪喪胆未敢踰
界滋擾矣

十一月趙煥聯統大兵由茶州界繞道進剿甯匪李輔朝
統帶楚勇由鄱會合知縣章保順督衡勇并城內練勇東
鄉上下館團勇由礮頭進兵四路雲集克復永甯
七年蝗城鄉士民齋禱祀劉猛將軍遂滅
八年螟害稼

九年春三月平鋪大雪連日霜秋大有年
同治元年夏六月饑是歲秋大熟

四年乙丑春二月某日是夜星明月朗二更後忽大風飛
沙走石茹屋吹破十圍樹亦拔傾之雷雨交作遍地皆然
九年春三月七都巖前夜間空際有光墮地旋轉半時次

鄱縣志

卷之十一

事紀 兵燹祥異 十

晨視之坑深二尺餘是年秋有虎出東南兩鄉連傷數人
各村集眾禦之旬餘遁去

十年夏大水秋疫

十一年冬十二月初四雷雨雹踰時已而虹見

殉難義勇

咸豐初軍興以來各都士民或竭力禦賊罹害或防堵不
測或從戎他省陣亡其情均屬可憫茲分別地名開列姓
字於左 婦女恐被賊污潔已捐軀者附載烈婦類

張萬武 唐玉賓 李湘賢 羅星照 張天容

李尙賢 李良元 李賢仰 李賢益 李賢鵬

李賢明 張天申 張靈珠 張召吉 張振珠

張發昌 張蘭壽 張耀星 張雙林 張錫銓

唐烈燉 唐啞子 唐拔萬 唐黑毛 唐秋生

唐秋林 金甲林 金石林 譚光甲 王周楨

段龍光 段佐銑 段佐楚 龍矮子 龍閏生

羅德行 羅文彩 陳華茂 房標桃 房標義

古加聯 李振鐸

以上四十二名 咸豐五年嶠頭嶺戰沒

邱門養 劉元光 沈輝崧 曹宗亮 邱雲標

藍光照 鄧凌雲 邱文林 尹經才 朱楚俊

鄱縣志

卷之十一

事紀 殉難義勇 十一

以上十名五年九月水口墟九都等處陣亡外桂勇陣亡姓名待攷

葉正太 廖宗開 鍾奇烈 郭孟雲 陳品照

以上五名俱五年十月桐睦墟剿賊戰亡

龍宗富 尹春華 劉濟羣 鍾含章 黃日玉

以上五名 咸豐六年東鄉等處陣亡外衡勇陣亡姓名今無從查攷

附効力各省殉難勇

尹明慈 舊志剿賊被害順治時

李正芳 羅雲貴 以上二人俱湖北貞字吳營咸豐六年

劉耀剛 桂東鍾崇德營江西 余起章 從胡見善營江西

譚世榮 幫辦江西 曾金榜 在江西老 曾國勝 在江南老

上猶石雞洞陣亡 龍泉縣陣亡

周雲魁 隨胡見善營江 鄧榮臣 以上二人在

譚正傳 隨景德鎮 譚蘭生 在湖北蘄 陳瓊芳 在廣東四

李章才 隨鄧太福 黃樹光 以上二名隨彭統

張光烈 吳次漢營 李振錫 以上二名湖北藍

劉顯揚 吳次漢營 戴賢啟 吳次漢營 劉英德 龍泉縣營

唐逢勝 隨大營 羅發標 以上二人湖北平

羅文林 以上二人漢鎮 羅際盛 頭嶺喬帥營陣亡

團練

明 英宗正統十四年命各處召募民壯就令本地官司率領操練遇警調用民壯蓋始於此

國朝康熙二十七年分守衡永郴桂道朱士傑詳為諮詢利弊事奉巡撫都察院與批如詳轉飭所屬各州縣酌立練總團練遴選智勇兼優者統帶鄉勇保固地方

道光十二年春江華縣逆獠趙金龍叛擾常甯邑令沈道寬奉衡州知府尹佩棻札飭辦團協同城守滕宏昭率城鄉紳民募勇防堵

咸豐二年秋粵匪洪秀全楊秀清等自廣西全州竄郴桂率賊數萬由鄙毗界之永興安仁茶陵直犯長沙圍城十餘日知縣邱華東立諭城鄉紳民設團防堵偵探三四兩年粵西洪逆煽亂蔓延各省叠奉

鄙縣志

卷之十一

事紀

團練

十三

上諭令民間舉辦團練遵照程式設立城中總局按都立團無事耕鑿相安有事則聚集巡城

五年粵匪石達開竄擾楚界髮賊蔓延巡撫駱秉章札飭各縣辦團知縣梁作霖率邑紳分都遵辦設隘守禦

六年髮賊盤踞永甯屢次犯境知縣章保順督城鄉紳民按里團防城中復設捐輸總局練勇

九年春洪秀全賊帥石達開率黨數十萬出江西循嶺

郴桂與鄱毗界之桂陽永興與甯一帶知縣孫桐生率邑紳練勇分佈各隘防堵叠獲奸細正法內匪暗應者捕誅之賊覘有備未入境

十年髮賊兩次往來江廣之界距鄱毗邑之郴宜各縣叠次告警知縣祿廉率同紳勇防守

十一年春賊往來江廣近邊等處鄱邑戒嚴代理知縣張玉森集眾防守

同治三年春賊擾江西近邊等處知縣祿廉籌防馳報奉省撥鎮字營唐軍門星照率勇二千名來縣駐守三月乃解

鄱縣志

卷之十一

事紀

團練

十四

四年五月霆營叛勇擾攸縣安仁等處游騎及境知縣祿廉急募壯勇馳扼窰腦墟各要隘嚴守賊知有備乃由興甯等路竄粵

計開城鄉各團

城廂 虎威團 炳蔚團

東鄉 保合團 合心團 効忠團 靖安團

南鄉 泰安團 聚奎團 保安團

西鄉 一都團 三都團 二都團

四鄰團 中定團